

SERENISSIME
PRINCEPS ELECTOR,
CLEMENTISSIME DOMINE!



Quantæ molis Opus suis sibi
humeris imponant ii, qui
de rebus ad historiam Na-
turalem spectantibus tractare præsu-
munt, vel ex eo constare satis arbitrer,
quod ea sit res tam ampla, atque augu-
sta, ut nimium non dixerim, si iisdem
eandem terminis, quibus hoc Univer-
sum, comprehensam esse, profitear.

Mirando equidem priscis Temporibus,
et stupendo magis ausu, quàm felici id
successu tentâsse plures, Eruditis con-
stat: Feliciores tamen fuere posteri, cùm
copiosior se se offerret materia, quæ hac-
tenus, velut in Chao, delituerat; Physio-
philorum etiam numerus ubivis augere-
tur, quibus ea, quæ Avorum tempori-
bus reperta, Patrum detecta, suo deni-
que penitiùs lustrata fuerunt, uberrim-
um præbuere Priscis adjiciendum Co-
piæ novarum rerum Cornu.

Quarum quia ipsèmet non contem-
nendam partem curiosus sum Inventor,
Inspector, et Notator, certè non debeo
hoc meum qualecunque Talentum abs-
condere, et servum me facere inutilem,
Quod

Quod amoliri à me crimen satagens
cepì horis subsecivis à me Collectorum,
et per Annos omnino undecim, cùm per
utrumque Ducatum habendis aliàs S. S.
Missionibus occuparer, ubivis inven-
torum Catalogum concinnare, qui pro-
dire aliquando gestiens, SERENITATEM
TUAM adeundam sibi putavit, quò sub
tanti Nominis non solùm Auspiciis gra-
tiam, siquam mereatur, tueri; sed et
patrocínio, ac favore Tanti Principis tu-
tus faciliùs eò se se probare aliis posset:

Id verò audendum mihi tantò fiden-
tius existimo, cùm in ELECTORALI SERE-
NITATE TUA Fautorem habeam, qui felici-

tatum suarum cumulo superaddere illam
Sapientiæ partem contendit, quæ in Con-
templatione operum DEi naturalium
consistit.

Quodsi SERENITAS TVA suscipere
pagellas hasce dignabitur, perque otium
inspicere, et vel umbrâ Favoris prose-
qui; profectò nihil mihi vel optabilius
vel honorabilius evenire in omni Vitâ
poterit.

DEUM OPTIMUM MAXIMUM veneror,
oro, et adprecor, ut SERENITATEM
TVAM impleat omni benedictione, pros-
peritate, felicitate

SERENITATIS TUÆ
ELECTORALIS

DEVOTISSIMUS CLIENS

Franciscus Beuth

Missionarius Julio-Montensis.